



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm V. Quotiens.

---

[urn:nbn:de:hbz:466:1-62587](#)

Dico itaque I. In criminibus graibus seu causis multum præjudicialibus, denuntiator non potest esse testis, licet judex ex officio procedat, seu per meram inquisitionem. Ita *Panorm. h̄c n. 4. Ioan. Campegius de testib. Reg. 103. Farin. q. 60. n. 75.* Ratio est, quia denuntiator se ipsum ingerit, & ideo aliquo modo suspectus est, & non satis idoneus testis in causa grani & valde præjudicante; hēc tamen ratio cessat, si Officialis ad obseruanda & denuncianda crimina deputatus denuntiet, huic maior fides habetur, ita ut si cum juramento testificetur vera esse quæ denuntiat, & reddat causam scientię (v. g. quod oculis vidit) hoc casu, ut ait *Clarus in pract. quest. 7. num. 3.* fidem faciat, prout aliis testis, qui super delicto ipso deponebat, & potest super eius dicto formari inquisitio, quæ Reo transmittitur ut comparere, & super crimen respondeat; cuiusmodi tamen inquisitio formari non posset super merā assertione denunciatoris priuati, ut *Clarus ibidem* testatur. Ratio autem, cur Officiali magis creditur, ea reddi debet, quia facilius ministro creditur in ijs ad quæ deputatus est, v. g. si dicat: se citâsse, alibiudve egisse ex judicis mandato, sicuti ex communi docet *Bart. in l. Divus. num. 8. ff. De Custod. Reorum. Panorm. in cap. Praterea. de Testibus Cogend. num. 7. Clarus loco citato.* ubi specialiter loquitur de deputatis Custodibus agrorum, vinearum, quod eis credatur contra denuntiatum negâtem. Vide *ta- men l. Ea. 7. & DD. ibidem. C. De accusat.*

<sup>3</sup> Dico II. In criminibus leuibus si denuntiator aliter suspectus non sit, sed bonâ intentione denuntiâsse videatur, adhiberi potest, ut testis, ita ut cum uno alio aut pluribus testibus probet delictum, & exinde sententia cōdemnatoria ferri possit. Ita *Panorm. h̄c n. 4. & cit. n. 7. Bart. cit. n. 8. Campegius loc. cit. Fallentia. 5.* Idque maximè locum habet, si loquamus de publico denunciatore, de quo etiam DD. loquuntur; sed videtur etiam id dici posse de privato, quod & is à judice produci possit in testem unâ cum aliis, ut expreſſe hēc docet *Panorm. n. 4.* Si principalis persona seu denuntians crimen, non

sit reportatura commodum ullum, nec alia affectione notetur, in numero testimoniū computari posse; dummodò non agatur de gravi præjudicio, quia in causis levibus tam exactæ probationes requiri non solent, quāvis contrarium doceat *Farinac. quæst. 60. n. 75.* id tamen fatexi debemus, quod denuntiatori minor fides habeatur quam alteri testi, tum quia ipse se ingerit, ut pono, tum quia ipse reprehensionem reportaret, si, quod crimen denuntiauit, postea commissum negaret. Igitur ex hoc cap. Vnicum Notandum sumitur, denuntiatoretiā priuatus in testem adhiberi potest à Prælato, si procedat secundum charitatiū denuntiationem, & quandóque etiam si judicialiter per inquisitionem meram procedat, saltem in causis non graibus, seu non multum præjudicialibus.

## C A P I T U L U M V.

## Quotiens

## P A R A P H R A S I S.

Si matrimonium accusetur propter impedimentum consanguinitatis, ut separatio fiat, consanguinitas probari debet per duos aut tres testes ex eādem consanguinitate, sed in defectum consanguineorū adhibendi sunt senes ex eodem loco meliores seu probatores, & debent testes deponere cum dupliji juramento, vide licet, quod non priuato odio, nec amicitia, nec ob aliquod comodum, quod haberint, vel habeant, vel habituri sint, ad ita testificandum adducantur, & quod ab ipsis asseritur, à maioribus suis, ut vera se accepisse & credere ita esse.

## S V M M A R I U M.

1. *Testes de credulitate quamvis non in omnibus causis recipiantur, admittuntur tamen ad probandas consanguinitatem.*
2. *Qui ex testimonio dato commodum, vel non dato damnum patitur, idoneus testis non est.*

Pro-

Pro intellectu adverte, quod testes alij sunt de scientia & sensu, qui videlicet depo-nunt se scire rem gestam esse, eo quod proprio visu, auditu &c. reprehenderint, & calum testium testimoniū ordinariē requiri-tur ad facti probationem secundūm gloss. in l. 2. §. Idem Labeo. verb. Audierint. ff. De aqua pluvia. Alij autem sunt testes de cre-dulitate, qui jurati deponunt se credere ita esse, quia videlicet à fide dignis audiuerint, & tales testes multum à proprietate testium deficitant, quare non in omnibus, sed tan-tūm in quibusdam causis recipiuntur, ut vi-dere est apud Farinac. q. 64. num. 69. Inter-has autem causas recensetur consanguinitas, ad quam probandam interdum etiam testes de auditu & credulitate admittuntur, diu-mmodo conditiones adsint, quæ hoc cap. insinuantur, & clarius exprimuntur in cap. Licer. 47. b. tit. ubi proprius explicandi locus est.

Nota, testis, qui ex testimonio ferendo commodum, aut si non testificetur, da-num reportaturus est, idoneus censerit non debet, quia dicitur testari in propria cau-sa, iuxta l. 1. ff. *Quando appellandum*. ubi dicitur: palam est, eam esse propriam cau-sam, cuius emolumen-tum aut damnum ad aliquem suo nomine pertinet. Videatur c. 3. Caus. 4. q. 3.

## CAPITVLVM VI. Insuper.

### P A R A P H R A S I S.

Capitulares ipsèque Prælatus in causa Ec-clesie suæ testes esse possunt, excepto, si unus eorum aut plures constituti sint, qui procuratio nomine caufam in ju-dicio agant aut promoueant, horum e-nim testimonia non admittuntur.

### S V M M A R I V M.

1. Singuli de uniuersitate possunt testes adhi-beri in causis sua Uniuersitatis.
2. Saltem ciuilibus & non arduis.
3. Nisi uniuersitas illa valde parua esset.
4. Et nisi estimabilis utilitas propria coniun-

- Et i effet cum causa communitatib.*
5. Neque tamen hi testes pro sua communi-tate deponentes, sunt omni exceptione ma-iores.
  6. Legatarij quod testes testamentarij esse pos-sint, speciali fauore concessum est.
  7. Non potest quis in eadem causa esse Procu-rator & Testis.

**N**ota I. Prælatus Capitularis aut Con-ventualis in causa Ecclesie suæ testis esse potest, ut hic, & in cap. Nuntius. 12. hoc tit. & cap. 1. Causa. 14. q. 4. iuncta gloss. verb. Stephani. & debet id extendi ad Caufam cuiusvis universitatis, aut Collegij, quod singuli qui sunt eius universitatis, testes ad-hiberi queant, secundūm Ioan. Andream in cit. cap. Cūm Nuntius. Panorm. hic n. 2. Felin. num. 1. Menoch. in Arbitrar. Casu 106. Ra-tio reddi debet, quia talis non fert testimo-nium in causa propria, cūm aliud sit jus U-niversitatis, & aliud jus singulorum, l. Sed. si. 10. §. Qui manumittitur. ff. De in ius vo-cando. Confirmatur. Propria causa non esse censerit, nisi quis suo nomine eam a-gere possit, l. 1. §. In propria. ff. Quando appel-landum. Sed aliquis è communitate non po-test caufam communitatis suo nomine age-re, ut docent DD. in cap. Edoceri. 21. de Re-script. c. Causam. 9. de judicis. & Clement. 3. de Procuratoribus. ergo causa universitatis non est propria singulorum.

Nec refert quod commoda universita-tis quodammodo etiam participant singuli, istud enim interesse, seu commodi partici-patio, non censerit esse tanta, ut in cau-sis ciuilibus præsertim non arduis testimo-nium repelli possit, quia verisimile non est, quod propter commodum universitatis ali-quis, maximè si Religiosus sit aut Clericus, bonæ vitæ, peierare velit, cūm negligi plerū-que soleant, quæ comunitate possidentur. l. 2. C. Quando & quibus quarta pars &c. Vide-atur Felin. hic n. 2. Porro in causa criminali membrū comunitatis nō potest testis adduci in favorē comunitatis. c. 1. 14. q. 2. propter ea quod causa ardua & valde præjudicialis sit in qua proinde exactissimæ probationes ordinariē requiruntur, id est q; tales testes qui-bus